

جريدة حاكمية

جمعه ايرتسى

نومرو ٦٩٥ رمضان ٦ سنه ١٣١٠ مارت ١٢ سنه ١٣٠٩ صحيفه ١٠٢٣٧

(اشوغزته بهر هفته جمعه ايرتسى كونلرى چيقار . سنه لكى در سعادت ايچون مجديه يكرمى غروش)
(حسابيله التمش غروشدر . طشره لر ايچون اون بش غروش پوسته اجرتى ضم اولنور . بهر)
(نسخه سى ينه مجديه يكرمى غروش اولق اوزره يوز پاره يه هر يرده ساتيلور . درج اولنه جق)
(اعلانك هر برندن بر مجديه اخذ اولنور . سنه لكنه مشترى اولق استيانلر عدليه نظارتى)
(دائره سنده كائن جريده محاكم اداره سنه مراجعت ايلمليدر)

زراعت باقچه سندن اقچه استقراض ابدو بده وقت
معينده تاديه دين ايتيان و بر قريه و يا محله ده
بولنان متعدد مديونينه تبليغ اولنه جق اخبار
نامه لك هر برى ايچون بعض محل اجرا دائره .
لرنجه ايرى ايرى اجرت مباشره طلب اولنمقده
اولديغندن مصارف مذكوره نك مديونينه عائد
اولمسيله بو صورت فقراى زراعتك اضراىنى
موجب بولنديغندن بختله اجراى ايجابى بوكره
تجارت و نافع نظارت جليله سندن اشعار اولنمش
و واقعا وقت معينده تاديه دين ايتيان مديونينه

قسم غير رسمى


(فى ٢٥ شعبان سنه ٣١٠ و فى ٢ مارت سنه)
(٣٠٩ تاريخده بالجمله ولايات استيناف محكمه سى)
(مدعى عمومى ميرينه و مدعى عمومى بولنميسان)
(محللر مدعى عمومى معاونلرينه يازيلان)
(تحريرات عموميه صورتيدر)

MILLI KÜTÜPHANE
ANKARA

(طوسیہ ہدایت محکمہ سندن ۹ تشرین ثانی)
 (سنہ ۳۰۷ تاریخی و او تو ز بر عددی ایله)
 (ویریلان اعلامک مابعدی)

ایسه ده سند مذکور مقاولات محرر لکنندن
 مصدق ومدعی علیک اقراری تحتده بولمسنه
 مبنی بجه نك بیک التیوز اوننجی ماده سی موجینجه
 مبلغ مدعا بهک تحصیلنه قرار ویرلدیکنندن
 واشبو قرار عابهنده مستدعینک لایحه سنده محرر
 باشلوجه اعتراضی خصمی حسن افندی مباح
 مذکورک جهت قرضدن متولد اولدیغنی ادعا
 ایتیش ایکن اثنای محاکمه ده تحویل لسان ایله
 خانه امانندن منبعث بولدیغنی درمیان ایتیمی
 تناقص دعوائی موجب اولدیغندن بختله اعلامک
 نقضی استدعا سندن ومدعی علیک لایحه سنده
 محرر نتیجه جوابی دخی اساس دین موقع
 رسمیدن مصدق سنده مستند اولدیغنی بیانیله
 اعلامک تصدیقی طلبندن عبارت بولمشدیر .

ایجابی لدی المذاکره اعلام مذکور مطالعه -
 سندن اکلاشدیغنی اوزره مستند ادعا اولان سندک



تبلیغ اولنه جق اخبار نامه لر ایچون اجرت مباشریه
 اخذ واستیفاسی زراعت باقہ سی نظامنامه سنک
 ماده مخصوصه سی ایجابندن ایسه ده مدیونین بر
 قریه ویا محله ده ساکن اولدقلری حالده تبلیغ
 اولنه جق اخبار نامه لرك هر بری ایچون بشقه
 بشقه اجرت مباشریه اخذی ایجاب ایتیموب
 مجموعی ایچون بالکتر بر اجرت اخذی ومدیونین
 قرای متجاوره ده بولدیغنی تقدیرده قرای
 مذکورک یکدیگرینه اولان بعد مسافه سنه
 نظراً مرکزدن اعتباراً اجرت مباشریه ضمی
 لازم کله جکی لدی الحواله انجمن عدلیه دن افاده
 قلمش وکیفیتک لازم کلنلره تبلیغی ضمنتده
 اشبو تحریراتک نسخ مطبوعه کافیه ومصدقہ سی
 لفا ارسال اولنمش اولدیغنی بیانیله شقه .

حاوی اولدیغنی مبلغک جهت قرضدن متولد
 اولدیغنی محرر بولدیغنی حالده ہدایت مدعی علیہ
 بولنان مرقوم علی چاوش مبلغ مذکورک هنوز
 فراغی اجرا اولنماش اولان خانه امانندن اولدیغنی
 ادعا ومدعی مومی الیه حسن افندی دخی مبلغ
 مذکور مقدا کندوسنہ بیع وتسليم اولنمش
 خانه نمنندن متباقی الاجنی اولدیغنی بیان ایتیمکده
 اولملرینہ نظراً محکمہ مذکورک جه مبیاعه اولنان
 خانه مدعی علیک بیان ایتدیگی خانه میدر یوقسه
 بشقه یرمیدر بوجہت تحقیق اولنہ رق تین ایدہ جک
 حالہ کورہ حکم ایدمک لازمکلور ایکن دینک
 جہتی تحقیق اولنمقسزین سند مذکور اوزرینہ
 بنای حکم ایدلسی مخالف اصول وقانون بولنمش
 اولدیغندن اصول محاکمه حقوقیه قانونک ایکوز
 قرق برنجی ماده سی موجینجه اعلام مذکورک
 تقضیلہ قانون مذکورک ایکوز قرق دردیغنی
 ماده سی حکمنہ توفیقاً کیفیتک یکیدن بالرؤیہ
 اعلامہ ربطی ضمنتده محکمہ مذکورک به اعاده سنہ
 وزیرده مفرداتی مرقم در تیوز اون درت بچق
 غروش مصارف تمیزیه نك ایلرودہ حقسز
 چیقہ جق طرفہ رجوع ایتیمک اوزره اول امرده

مستدعی علی چاوشدن استیفاسنہ ۲۸ ایلول سنہ
 ۳۰۸ تاریخندہ متفقاً قرار ویرلدی .
 خمس سنجانعی ہدایت محکمہ سی جزا دائرہ -
 سندن ویریلوب مع متفرعات باش مدعی عمومیک
 مأموریت علیہ سندن ۲۶ رجب سنہ ۳۱۰ وفی
 ۱ شباط سنہ ۳۰۸ تاریخ وایکی بیک یدیوز اون
 نومرولی تبلیغنامه ایله محکمہ تمیز جزا دائرہ سنہ
 کوندریلان ۱ جمادی الاولی سنہ ۳۱۰ و ۸
 تشرین ثانی سنہ ۳۰۸ تاریخ و او تو ز سکر نومرولی
 اعلام مطالعه اولندی .

اعلام مذکورک مالی مصرانہ قضاسی
 اہالیسندن عبد السمیع ابو حجر و رفقاسنک
 ایلاً اسلحہ سننی سرقت واثنای تعقیبده عبد

السمیعی قتل و مسمودی جرح ایتمک فعللرندن
 دولایی و جاهاً و غیاباً جنایتله اتهام اولنان
 اشخاصدن و جاهیلرک اجرا قلنان محاکمه
 علیه لرنده مرقوموندن محمد بن عامک برائتسه
 و وحیده بن عمر بود پیره و عبد السلام جنانک
 قتل و جرح فعللرینه جرائلری ثابت اولدیغندن
 قانون جزانک یوز یتیش دردنجی ماده سنه توفیقاً
 اون بشر سنه مدله کورکه قونلملرینه حکم
 اولدیغنی حاویدر .

تبلیغنامه ده دخی عند التحقیقات و المحاکمه
 حاصل اولان نتایج مجرمیت قرارنده خلاصه
 درج و شهودک افاداتنک ماهیت و قوتی و اماراتنک
 نوع و صورتی تصریح و مرقومانک درجه فعل
 و تعدیلری توضیح اولنماش و خصوصیه متهملرک
 و کیلی جانبندن در میان اولنان و شایان دقت بولنان
 مدافعانک هر برینک ابرو ابرو تدقیقه رد و یا
 قبولی حقیقه مذاکره جریانی و اسباب موجب
 بیانی ایله اعطای رأی اولنمق حقیقه اولان
 قاعده قانونیه دن دخی ذهول ایدلمش اولسنه
 منی مذکور اعلامک تقضی طلب اولنمشدر .

سائر اوراق دعوی دخی قرائتله جنایت
 حکمنندن دولایی تدقیقات تمیزیه اجرا اولندقد
 مأموریت مشار الیهانک تبلیغنامه سنده کوستریلان
 اعتراضات بجا و نقض حکمی موجب اسباب
 قانونیه دن بولنمغله اصول محاکمات جزائیه قانوننک
 اوچبوز اون دردنجی ماده سنه تطبیقاً حکم
 مذکورک تقضیه و تمیز اعلامی خرجی اولان
 ایکبوز غروشک بالتحصیل محکمه تمیزیه لزوم
 ارساله فی ۱۵ شباط سنه ۳۰۸ تاریخنده
 قرار ویرلدی .

فی ۲۲ شعبان سنه ۳۱۰
 و فی ۲۷ شباط سنه ۳۰۸

کنفری بدایت محکمه سنندن ویریلان ۱۵
 شباط سنه ۳۰۷ تاریخ و یوز الی بش نومرولی
 اعلام مع مفترعات باش مدعی عمومیلک مأموریت
 علیه سنندن ۲۴ رجب سنه ۳۱۰ فی ۳۰ کانون
 نانی سنه ۳۰۸ تاریخ و ایکی بیک بدیبوز درت

نومرولی تبلیغنامه ایله محکمه تمیز جزا دائره سنه
 کوندرلدیکنندن مطالعه اولندی .

مذکور اعلام مالی اسکلپ قضاسنه مربوط
 اسکی علی بک قریه لی ترلک اوغلی ولینک او بیک
 نام محله واقع چادرینی بصهرق قیوننی سرقت
 ایلدکلری ائنده سرقتک وقوعنه مخالفت ایدن
 سرقوم ولینک زوجه سی فاطمه سی ضرب و قتل
 ایتمک فعلندن دولایی جنایتله اتهام اولسانلردن
 برحیات بولنان احاجق قریه لی رنجبر قریه حاجی
 اوغلی ابراهیم و چقورجه قریه لی اسحق اوغلی
 اسحقق قانون جزانک یوز یتیش دردنجی ماده سنک
 فقره اخیره سنه توفیقاً اعداملرینه حکم اولدیغنی
 حاوی اولوب تبلیغنامه ده دخی بومقوله مواد
 قتله ده حق شخصیدن اول مرافعه شرعیه
 اجرامی جهتی نظر دقتسه التامش اولمغله برابر
 شهادتی حکمه اساس اتخاذا ایدیلان چوبان خلیلک
 استنطاقنامه ده محرر افاداتنه یعنی متهملرک اولجه
 سرعادن دولایی منازعه ایتدکلری کی اولوقت
 دخی کلوب ابتدا مرقوم چوبان خلیلی ضرب
 ایتمکه باشلاملری اوزرینه مقتوله نک اره به کیرمسيله
 ائی ضرب و جرح ایلمش و بعد الوقعه خارجه

بولسانلرک بری یالکز بر قیون امش اولسنه
 وشاهده حسن قزی الیه نک دخی او ائنده
 النان قیونک کندی ماللرندن اولدیغنی سویلمسنه
 کوره قتل مذکورک قیون سرقتی ایچون اولیوب
 سرعادن دولایی نزاع و تعدی به دها زیاده تعلق
 اولدیغنی و سائر اخباراتده دخی بومرعامسئله سنک
 در میان اولنمسی بوضورتی مؤید بولدیغنی حالده
 محکمه جه بوجهت مهمه نظر دقتسه التامش اولدیغنه
 و بر قسم محاکمه ده هیئتجه تغیر وقوعندن ناشی
 محاکمات سابقه نک کاملاً تکرری لازم ایکن
 یالکز بر قسم ضبطک قرائتیه اکتفا اولنوب
 اندن اولکی ضبطک او قوتامش ایدوکنه و سرقوم
 خلیلک مقتولک اجیر خاص اولدیغنی حقیقه اولان
 قرار اوراق میاننده کوریلان شهادتنامه به موافق
 بولنمدیغنه و متهملردن قنعیسنک ایقاع ایلدیکی
 یاره نک وفاتی انتحاج ایلدیکی جهتنک فناً حلی
 ایچون طیبیدن طلب ایضاحات لازم ایکن او
 جهته نقصان کورندیکنه منی اعلام مذکورک
 تقضی طلب اولنمشدر .

اوراق سائر دخی قرائتله تدقیقات تمیزیه
 اجرا اولندقد مأموریت مشار الیهانک تبلیغنامه .

سندہ کوستریلان اعتراضات بجا و نقض حکمی موجب اسباب قانونیہ دن بولنمش اولغلہ اصول محاکمات جزائیہ قانوننک و چبوز اون دردنجی مادہ سنہ توفیقاً حکم مذکورک تقضنہ و ایکبوز غروش اعلام خر جنسک اخذیلہ محکمہ تمیزہ ارسال لزومنہ ۱۳ شباط سنہ ۳۰۸ تاریخندہ قرار ویرلدی

فی ۲۲ شعبان سنہ ۳۱۰
وفی ۲۷ شباط سنہ ۳۰۸

اسکدار بدایت محکمہ سنندن ۸ کانون اول سنہ ۳۰۶ تاریخی و اوچبوز اوتوز سکز عددی ایلہ ویریلان اعلامک تمیزینی استدعا ایدن قاضی قریہ سندہ مودہ بروندنہ روم مکتبی اتصالندہ کائن خانہ ہدہ ساکن یوان قالفہ یوم معیندہ کلدیکندن میز علیہ ارنبود کوبیندہ ایا کر یاکی محلہ سندہ مقیم دیوارچی نیقولہ ولد طنناشک

ایضاحات شفاهیہ سی استماع قلندی .

اعلام مذکورک خلاصہ مالی مرقوم نیقولہ کندوسنک یوان قالفہ ذمتدہ مطلوبی اولان طقوز یوز اون طقوز غروشک مع فائض تحصیاتی طلب و دعوی واجرت یومیہ و خدمت سائرہ بدلدن طولایی دیوارچی طنناشہ طقوز یوز اون طقوز غروش بورچی اولدینی مبین ویوانی قالفہ امضاسیلہ مضی بر قطعہ سند اعطا ایشمی و تعیین قلنان کونده مدعی علیہ یوان قالفہ نک اجابت ایتماسی اوزرینہ وکیل مسخر تعیینیلہ اجرا قلنان محاکمہ و تدقیقات نتیجہ سندہ مرقوم یوان قالفہ نک سند مذکورده مندرج اقرار بالکتابہ می موجبجہ مبلغ مذکورک مع فائض تحصیلنہ حکمدن و مستدعینک اشبو حکم علیہندہ باشلوجه اعتراضاتی ابراز اولنان سنہ دیوارچی طنناش نامنہ محرر ایکن بوراسنک نظر دقتہ التماسی و طنناش مرقوم نیقولہ نک شریکی اولدینی تقدیرده دخی شرکتک انبات ایتدیلمسی مقضی بولنمش ایکن بوراسنک دخی تدقیق اولناماسی مغایر قانون اولدینندن بختلہ اعلامک نقضی و مدعی علیہک نتیجہ جوانی دخی اعتراضات

مسروده واهی و جوابدن مستغنی ایدوکی بیانیلہ اعلامک تصدیقی طلبندن عبارت بولنمشدر .

ایجابی مذاکرہ اولندقدہ اعلام مذکور مطالعہ سنندن اکلاشلدینی اوزرہ مرقوم نیقولہ جانبندن ابراز اولنان دین سنندی طنناش نامنہ محرراولسنہ و سنددہ امر وحوالہ یہ دائر بر فقرہ بولنهامسنہ نظراً محکمہ جہ مدعی مرقوم نیقولہ دن مبلغ مذکورک نہ جہتدن طولایی طلب ایتمکدہ اولدینی استفسار ایلہ تصحیح دعوی ایتدیرد . کدنصرکہ تبین ایدہ جک حالہ کورہ حکم اولنسی اقتضا ایدر ایکن بودائرہ قانونیہدہ اجرای معاملہ ایدلمکسزین مبلغ مذکورک سنددہ نامی اولیان مرقوم نیقولہ یہ اعطاسنہ حکم اولنسی یولسز و نقصانی تدقیقاتہ مبتنی بولنمش ایدوکنہ بناءً اصول محاکمہ حقوقیہ قانوننک ایکبوز اوتوز ایکنجی مادہ سی موجبجہ اعلام مذکورک تقضنہ وز یرده مفرداتی مرقوم اوچبوز اللی درت بحق غروش مصارف محاکمہ نک ایلرودہ حقسز چیقہ جق طرفہ رجوع ایتمک اوزرہ اول امرده

مستدعیدن اخذینہ ۲۹ تموز سنہ ۳۰۷ تاریخندہ قرار ویریلہ رک تفہیم قلندی .

اطنہ استیناف محکمہ سنندن ۹ تشرین ثانی سنہ ۳۰۷ تاریخی و اون بر عددی ایلہ ویریلان اعلامک تمیزینی استدعا ایدن اطنہ نک تجاران محلہ سندہ کتخدا اوغلی اوخانس اغا ایلہ میزعلیہ اطنہ قوری کوری محلہ سندہ مقیم عبداہ اغا ورثہ سنندن محمد اغا و حوا و ایفہ خاتونلر و کیلی یورغاکی شیکاریدیس اقدی تعیین قلنان کونده دائرہ یہ کلدکلرندن اصول محاکمہ حقوقیہ قانوننک ایکبوز یکرمی طقوزنجی مادہ سی موجبجہ تدقیقات تمیزیه اجراسنہ ایتدار قلندی .

اعلام مذکورک خلاصہ مالی ورثہ مرقومہ

ایله من بور اوخانس اغا یئیننده متحدث بیک
ایکیوز عدد سیم محیدی الاجق دعوا سنک شهود
شخصیه ایله اثباته مساع قانونی اولدیغنه داتر
اطنه بدایت محکمه سندن ویریلان اعلام علیهنده
مرقوم اوخانس اغا طرفندن اعطا قلنان استیناف
عرضحالتک مدت استینافیه مرورندنصکره
ویرلدیکی اکلاشمسینه بناء اصول محاکمه حقوقیه
قانونسک یوز سکسان بشنجی ماده سی حکمنه
توفیقاً عرضحال مذکورک ردینه حکمدن واشبو
حکم علیهنده مستدعی اوخانس اغانک لایحه سنده
محرر باشلوجه اعتراضی استیناف عرضحالتک
محکمه یه اعطاسیله اعلام مستاتف بهک تبلیغ
قلندیغی کونلرک داخل حساب اوله میه جفته
و بو صورته مهل استینافک منقضیه اولیه جفته
دائر درمیان ایلدیکی ادطانک نظر دفته التامسی
مغایر قانون اولدیغندن بخله اعلامک نقضی
استدعاسندن ومدعی علیهم ورته مرقومه وکیلی
یورغاکی شیکاریدیس افندیغک لایحه سنده مندرج
تبیجه جوابی دخی اعتراضات مسروده واهی
اولوب حکم استینافی موافق قانون بولندیغی
بیسانیه اعلامک تصدیق طلبندن عبارت
بولمشدر .

ایجابی لدی المذاکره اعلام مذکور
مطالعہ سندن اکلاشلدیغی اوزره مرقوم اوخانس
اغا طرفندن اعطا قلنان استیناف استدعانا مه سنک
مهل استینافک مرورندنصکره ویرلمش اولدیغی
بیانیه مهل استینافه مبدأ اتخاذی لازم کلان
اعلام مستاتف بهک مستاتف مرقومه تبلیغیه
استدعا نامه مزبورک محکمه یه اعطاسی تاریخلریغک
تدقیق ومدت استینافیه نک مرور ایدوب ایتدیکی
اکلاشلق اوزره متن اعلام استینافی دخی
صراحتاً ذکر وتتمیق ایدیلرک اشبو ایکی تاریخ
میاننده گذاران ایدن ایامک بالحساب مدت
قانونیه نک مرور ایتدیکی اکلاشلدیغی تقدیرده
استیناف استدعاسنک ردینه قرار ویرلمک لازم
کلور ایکن سالف الذکر استیناف استدعاسنک
تاریخ اعطاسی تدقیق ومتن اعلامده ذکر وتتمیق
قلتمیه رق بر منوال محرر اعطای حکم اولنمسی
بولسز ومخالف قانون بولنمش اولدیغندن اصول
محاکمه حقوقیه قانونسک ایکیوز قرق برنجی
ماده سی موجبجه اعلام مذکورک نقضیه قانون
مزبورک ایکیوز قرق دودنجی ماده سی حکمنه
توفیقاً یکیدن کیفیتک اعلامه ربطی ضمنتده
محکمه مذکوریه اعاده سنه وز پرده مفرداتی

مرقم درتیوز طقسان یجق غروش مصارف
تمیزیه نک ایلروده حقسز چقه جق طرفه رجوع
ایتمک اوزره اول امرده مستدعی مرقومدن
استیفاسنه ۲۴ تشرین ثانی سنه ۳۰۸ تاریخنده
متفقاً قرار ویرلدی .



گنفری بدایت محکمه سندن ۷ کانون اول
سنه ۳۰۳ تاریخی و اوتوز بش عددی ایله
استینافاً ویریلان اعلامک تمیزینی استدعا ایدن
قلعه جق قصبه سنک جمعه محله سنده کم المساز زاده
مصطفی افندی تعیین اولنان کونده دائره یه
کلدیکنسندن یاکنز مدعی علیه مالیه خزینته
جلیله سی وکیلی رحمی افندیغک ایضاحات شفاهیله
سیله باش مدعی عمومی معاونلرندن سعادتلو

یورغاکی افندیغک مطالعه سی استماع قلندی .
اعلام مذکورک خلاصه مآلی مومی ایله
مصطفی افندیغک اوچیوز ایکی سنه سنه محسوباً
اعشارینی درعهده والتزام ایلدیکی اوقاذ قریه سی
حدودی داخلسنده کورد کوی دیمکله معروف
چفتکلر اعشارینه خزینته جلیله جه امانه اداره
اولنان جاندر قریه سی مأموری جانبدن مداخله
اولنمقده اولدیغندن بخله اخذ واستحصال
اولنان التی بیک کسور غروشک استردادینی
طلب ودعوی ایتمش ایسه ده اجرا قلنان محاکمه
وتدقیقات نتیجه سنده مذکور کورد کوی
اعشارینک کندوسنه احاله سی برکونه مقاوله یه
مستند اولدیغی مدعی مصطفی افندیغک مقرر
اولدیغی کبی ثبوت مدعاسنه مدار اولق اوزره
ابراز ایلدیکی اوراق مندرجاننده اوله بر مقاوله نک
وجودینه ومذکور کورد کوی نک اوقاذ قریه سی
داخلنده اولدیغنه دائر برقید و اشارت بولنمیوب
اکرچه بو خصوصه دائر اولوب مرکز قضاده
بولنان اوراقک ثبوت مدعاسنه کافی اولدیغی
سویلمش ایسه ده ویریلان مهل طرفنده اشبو
اوراقی ابراز ایده مدیکی کبی اولبابده و قیله

مقاله سندی اخذینه مانع اولور برسب دخی بولمديغنه و بو مقوله بشبیک غروشی متجاوز سنده مستند بولنان دعاوی به قارشو ایديله جک مدافعانک سندا اثباتی اصول محاکمه حقوقیه قانونک سکسانجی ماده سی اقتضاسندن اوله رق خزینه وکیلنک مذکور کورد کوبنک اوقاذ قریه سندن خارج اولدینی حقنده کی ادعای ایسه سند و معاملات رسمیه به مستند بولمديغنه بناءً ماده مذکوره حکمنه توفیقاً دعاوی واقعه نك ردینه دائر بدایه صادر اولان قراره ملتزم مومی الیه جانبندن عدم قناعته کسغری بدایت محکمه سنه بالمراجعه اقامه اولنان استیناف دعاوی جریان ایدن تدقیقات استینافیه نتیجه سنده بدایه جریان ایدن محاکمه اتناسنده مدعی عمومینک حاضر بولمديرلما سندن طولای حکم ابتدائینک معاملات جهتنک فسحنی طبیعی اولوب انجق مستأنف مومی الیه جانبندن کندوسنه احاله سی ادعا اولنان کورد کوبی موقعنک جاندر قریه سی داخلنده بولمدينی بدایه ابراز اولنان اوراق مندرجاتی و تحقیقات رسمیه ایله ثابت اولمديندن

مستأنف مومی الیهک بوجهته متدائر اولان اعتراضاتی شایان قبول کوريله مامسیله اولبا بده کی اعتراضاتک رديله اعلام ابتدائینک معاملات جهتنک تعدیلاً تصدیقنه و ادعای واقع سند رسمی اوزرینه مؤسس اولقله اشبو قرارک موقتاً اجراسنه حکمدن و مستدعی مصطفی افدینک اشبو حکم علیهنده لایحه سنده محرر باشلوجه اعتراضی محکمه استینافیه به اعلام ابتدائینک معاملات جهتنک فسحیله برابر تعدیلاً تصدیقنه قرار ویرلسی یکدیگرینه مابین ایکی نوع قراری مستلزم اولمديغندن بجنله اعلام مذکورک تقضی استدعاسندن و خزینه مشار الیهها وکیلی رحمی افدینک نتیجه جوابی حکم استینافینک موافق اصول وقانون اولدینی بیانیله تصدیقی طلبندن و معاون مومی الیهک مطالعه سی دخی درجه اولی محکمه سنجه جریان ایدن محاکمه اتناسنده مدعی عمومینک عدم استماعی حسبیله عندالاستیناف اعلام ابتدائینک فسحنی ودعوانک یکیدن رؤیتی احکام قانونیه اقتضاسندن اولدینی حالده اشبو قاعده قانونیه به رعایت اولمديغنه مبنی اعتراضات

مذکورک موافق قانون اولدینی بیانندن عبارت بولممشدر .

مصارف تمیز به نك ایلروده حقسنر چیقنه جق طرفه رجوع ایتمک اوزره مستدعی مصطفی افدینن التمسنه فی ۳۰ ایلول سنه ۳۰۸ تاریخنده متفقاً قرار ویريله رک تفهیم قلندی .

ایجابی لدی المذاکره اعلام مذکور مندرجانندن مستتبان اولدینی اوزره دعاوی واقعه اموال دولته متعلق بولنمش ایکن انشای محاکمه ابتدائیه مدعی عمومی حاضر بولمدير- لماش اولسنه کوره محکمه استینافیه به بوسیدین طولای حکم ابتدائینک فسحیله اساس ماده نك قانون دائره سنده استینافاً بالتدقیق تحت حکمه التمسی لازم کلور ایکن محکمه مذکوره به بو دائره ده اجرای معامله اولنمیوب حکم ابتدائینک تعدیلاً تصدیقنه قرار ویرلسی اصول محاکمه حقوقیه قانونک یوز طقسان التجی ماده سی حکمنه مفاير و معاون مومی الیهک مطالعه سی موافق نفس الامر کورنمش اولمديغندن قانون مزبورک ایکوز قرق برنجی ماده سی موجبجه اعلام استینافینک تقضیله ایکوز قرق درنجی ماده حکمنه توفیقاً کیفیتک یکیدن بالرؤیه اعلامه ربطی ضممنده محکمه مذکوره به اعاده سنه وزیرده مفرداتی مرقم درتیوز قرق درت بچق غروش

پیره جک بدایت محکمه سندن ۲۲ توموز سنه ۳۰۷ تاریخنی و بش عددی ایله صادر اولان اعلامک تمیزینی استدعا ایدن پیره جک قصبه سنک وادی جک محله سی ساکنه لرندن خاتون قادین وکیلی الیاس رسام افندی دائره به کلش ایسه ده مدعی علیه محله مذکوره اها لیسندن مکتب رشدی معلم ثانیهی حاجی صادق افندی یوم معینه

گلدیکندن یالکز وکیل مومی الیهک ایضاحات
شفاهیسی استماع قلندی.

اعلام مذکورک خلاصه مالی مومی الیه
حاجی صادق افندیسک محله مذکور ده کائن
متصرف اولدینی بر باب خانه نک نصفیه مبادله
مزبور خاتون قادین ایله زوجی حچودن نضرع
ایلدیکی باغک طرفه تسلیمیه مذکور باغک
اعمارینه صرف ایلدیکی اوچوز و بر سنهک
حاصلاتی اولان یدیبوز غروشک تحصیلنی طلب
ودعوی ایتمی ومدعی علیهما نک دعوت اجابت
ایتماسی اوزرینه وکیل مسخر حضور یله اجرا
قلنان محاکمه نتیجهسند منازع فی اولان باغک
سالف الذکر خانه نک نصفی مقابلنده مبادله فراغ
اولدینی استماع اولنان شهودک شهادتلی و ابراز
اولنان سند مندرجاتی ایله تحقق ایلمش اولدیغندن
ذکر اولنان باغه مدعی علیهما نک منع مداخله لرینه
ومذکور خانه نک مابین دیوارینک تعمیری عقد
بیعده شرط قلندینی اکلالمش اولسنه مبنی
مذکور دیوارک دخی مجله نک یوز سکسان
التسجی ماده سی حکمنه توفیقاً تمهد واقع موجبجه

مومی الیه صادق افندی طرفندن تعمیر ایتمه
داثر صادر اولان حکم غیبی علیهنده مزبور
طرفندن اعطا قلنان اعتراض علی الحکم
عرضحالی اوزرینه جریان ایدن محاکمه وجاهیه
نتیجهسند مزبور نک مذکور باغ ایله نصف
خانه نک مبادله سنه موافقت ایلدیکی محاکمه سابقه
لدى ترکیه عدل ومقبول الشهاده اولدقلمی
تبیین ایدن شهودک شهادتلیله ثابت اولمش
اولدینندن حکم غیبینک تصدیقه قرار ویرلدیکندن
ومستدعیه وکیلی الیاس رسام افندیسک اشبو
اعلام علیهنده کی اعتراضاتنک باشلوجه سی اعتراض
علی الحکم عرضحالنده محرر اعتراضاتنک
بعضیسی درجه اولی محکمه سنجه نظر دفته
النمدینی کی مذکور دیوارک اوچ کون طرفنده
تعمیری عقد بیعده شرط قلنمش ایکن ایوم
تعمیر ایلماسی بیعک فسادینی مستلزم اولدینی
حالده بیع واقمک صحتنه حکم ایلمسی اصول
وقانونه مغایر اولدیغندن بحثله اعلام مذکورک
تقاضی استدعاسندن ومدعی علیه حاجی صادق
افندیسک نتیجه جوابی دخی اعلام مذکورک
اصول وقانونه موافق اولدینی بیسانیه تصدیقی

طلبندن عبارت بولنمدره

ایجابی لدی المذکره اعلام مذکور دن
اکلاشالینی اوزره منازع فی اولان باغ ایله
نصف خانه نک مبادله بیع وفراغ اولدینی
شهودک شهادتلیله ثابت اولدیغنه مبنی ذکر اولنان
باغ مزبور خاتون قادین وزوجنک منع مداخله
لریله عقد بیعده مشروط اولان خانه دیوارینک
صادق افندی طرفندن اجرای تعمیرینه حکم
اولنمش ایسه دیوارک اجرای تعمیری خصوصی
عقد بیعک مقتضاسندن اولان شرطلردن اولدیغنه
کوره شرط مذکور مجله نک یوز سکسان التسجی
ماده سنه توفیق اولنه مز ایسه ماده مذکوریه
یا کلش معنا ویریله رک دیوار تعمیری حقتده
ماده مذکور نک مابه التطبيق اتخاذ اولنمی
وبیع قطعی حقتده تحقیقات مقتضیه اجرا قلنامسی
مغایر قانون اولدیغندن اصول محاکمه حقوقیه
قانوننک ایکوز قرق برنجی ماده سی موجبجه
اعلام مذکورک تقضیه قانون مذکورک ایکوز
قرق درنجی ماده سی حکمنه توفیقاً کیفیتک
یکیدن بالرؤیه اعلامه ر بطی ضمنتده محکمه

مذکوریه اعاده سنه وزیرده مفرداتی مرقم در تیوز
اون درت بچق غروش مصارف محاکمه نک
ایلروده حقسز چیقہ جق طرفه رجوع ایتمک
اوزره اول امرده مستدعیه مزبور دن استیفا سنه
فی ٢٧ اغستوس سنه ٣٠٨ تاریخنده متفقاً قرار
ویریله رک تفهیم قلندی.

إعلان

قلب مجیدیه اعمال ایتملرندن طولای متهم
بولنان تبعه یونانیه دن قسطی وانکلتره تبعه سندن
اندونک رفقاسندن اولوب موقوف ایکن لاجل

محاکمه محکمه جنایته کتوردیکی صره ده اثنای راهده فرار ایدن یونان دولت نبعه سندن اورته بویلی دوز النلی سیوری بورونلی قره بیق وقاش وصاچلی مطروش چکلی وصاغ ایاغی سقط اولوب اوتوز طقوز یاشنده بولنان وتوقیفندن اول التنجی دائرة بلدیہ جوارنده اقامت ایتمش اولان انستاطیدس ولد تیوفیلوسک قانونه اطاعته محکمه به کلسی ضمننده اصول محاکمات جزائیه قانوننک اوچیوز یتمش برنجی ماده سنه توفیقاً مقام ریاستدن واشبو اعلان تاریخندن اعتباراً اون کون مهل ویرلمش اولمغله مدت مذکوره ظرفنده ورود ایتمدیکي تقدیرده قانونه اطاعت ایتمش نظریله باقیله رق محاکمه غیایه سی بالا اجرا حقوق مدینه ن اسقاط اموالی حجز ایدیله چکی وبوبایده مرقومک برکونه دعوی اقامه سنه حتی اوله میه جنی کبی بولندینی محلی بیلنلر خبر ویرمهک وبالجمله ضابطه عدلیه مأمورلر ینک کندوسنی طومغه مجبور اولدقلری بیانیله اعلان کیفیت اولنور.

فی ۶ مارت سنه ۳۰۹

طودورا کی افندیکنک $\frac{۲۱۰}{۱۳۸}$ نومرولی اعلام موجبجه حسن تحسین افندی ذمتنده الاجنی اولان معلوم المقدار مبالغت تأمین استیفاسی چون مدیون مومی الیهک سلطان بایزید محله سنده قلیچ علی پاشا جاده سنده متصرف اولدینی یوز یتمش اوچ نومرولی بر باب دکانی تاریخ اعلاندن اعتباراً اون بش کون صکره بالمزایده فروخت اولنه جنی بک اوغلی بدایت محکمه سی اجرا مأموریتی جانبدن اعلان اولنور.

فی ۶ مارت سنه ۳۰۹

علی رضا افندیکنک خدیجه خاتم ذمتنده بااعلام

الاجنی اولان مبالغت تأمین استیفاسی ضمننده تحت حجزه النان اسکدار ده طو یفسار حمزه محله سنک تکیه زقاغنده کائن فوقانی اوچ باب اوطه و برصفه و تحتانی ایکی باب اوطه و برمصیخ و برصهرنج و بر مقدار باغچه و حولی بی مشتمل اون نومرو ایله مرقم بر باب خانه نک تاریخ اعلاندن اعتباراً اون بش کون صکره بالمزایده فروخته مبادرت اولنه جنی اسکدار بدایت محکمه سی اجرا دائره سندن اعلان اولنور.

فی ۱۱ مارت سنه ۳۰۹

کیریاکو غریقور یادیسک غیبوت ایدن لنگه کیرده اینه بک محله سنده میراخور حامی جاده سنده

یدی نومرولی دکانده ساکن واسیل ولد خرستو ایله برادری نیقولی ذمتلرنده الاجنی اولان اوچ بیک اوچیوز غروشک مع قاض و مصارف تحصیل حقنده در سعادت برنجی حقوق دائره سندن صادر اولان فی ۲ کانون اول سنه ۳۰۸ تاریخی و ۴۹ نومرولی اعلامک اجرایی مدعی مومی الیه طرفندن طلب واستدعا ایداش ومدعی علیهمانک الان محل اقامتی تعین ایتماش اولدیغندن اجرا قانون موقتک یکر می طقوزنجی ماده سنده محرر اولدینی اوزره طقسان برکون ظرفنده اثبات وجود ایلملاری ومدت مذکوره ظرفنده اثبات وجود ایتمدکلی صورتده حکم اعلامک اجراسنه تشبث اولنه جنی در سعادت اعلامات نظامیه اجرا دائره سندن اعلان اولنور.

فی ۱۳ مارت سنه ۳۰۹

اليه موسيو حانسونك يوم مذكوره محضه
 مذكوره ده حاضر بولنمسي و ياخود طرفندن
 مصدق سندله بر و كيل كوندرمسي و عكسي
 حالنده و كيل مسخر تعيينيله معامله غيايبه اجرا
 اولنه جنفي اعلان اولنور .

في ۱۸ مارت سنه ۳۰۹

(مطبعة عامره ده طبع اولنمشدر)

ككبوزه لي رائف افنديك حيدر پاشا
 شمندوفر خطنك انشاسني تعهد ايتمش اولان
 انكلتره دولتي تبعه سندن غراچيانو برادرلر
 شركته ايجار ايتمش اولديني ككبوزه قضاينده
 اسكي حصار قريه سنده كان بر باب مغازه سنك
 تخليه سي حقننده بك اوغلي بدايت محكمه سي
 برنجي حقوق دائره سنده اقامه ايلديكي دعوي
 اوزرينه انكلتره دولت قخيمه سي قونسلاتوسندن
 وارد اولان تقرير مقادينه نظراً شركت مذكوره
 بيك سكرت يوز ايتمش اوچ تاريخنده فسوخ
 اولنوب تسوية امورينه موسيو حانسون
 ليكيداتور تعيين ايدلمش ايسه ده مؤخرأ موسيو
 حانسون تعطيل تادييات ايدرك نزه به عزيمت ايلديكي
 مجهول بولنمسي و دعواي مذكوره نك اوچيوز
 طقوز سنه سي نيساننك اون دردنجي چهارشنبه
 كوني رؤيت اولنه جفته دائر تنظيم و املا قلنان
 دعوتيه ورقي اصول محاكمه حقوقيه قانوننك
 يكرمي التجي ماده سي موجبجه محكمه ديوانخا
 نه سنه تعليق قلنمسي اولديغندن مدعي عليه مومي